



EM 2016/24

Tillie Martinussen

Uunga siunnersuut: Akileraaruserinermik ingerlatsineq pillugu Inatsisartut inatsisaata allanngortinneqarnera pillugu Inatsisartut inatsisaannut nr. xx, xx. xx 2016-imeersumut siunnersuut. (Nammineerluni nalunaarsuinissamat piffissarititaasumik, kiisalu nunani allani akileraartarnermi oqartussaasunut paasissutissanik tunniussisarnerit pillugit ilisimatitsisussaataaneq, taamatullu aningaaserivimmi kontumik tunniussisussaataaneq aammalu soraarnerussutisianut tunngasunik paasissutissanik nalunaarsuineq pillugit allanngineq)

(Aningaasaqarnermut Aatsitassanullu Naalakkersuisoq)

(Siullermeenera)

Inatsisitigut qilersukkat aningaaserivimmi kontut pisortat atorsinnaasaat pillugit isumaqarpugut aporfissaqarpasinngitsoq taamaallaat innuttaasut illersorniarlugit malittarisassat ersarilluinnartariaqarpugut paasissutissat tamakkiisumik illersorneqarsinnaaqqullugit.

Checkit atorunnaariartuaarnissat eqqarsaatigalugu nunarsuup sinnerani taamaareerpoq taamaattumik tamanna ilalerparput.

Soraarnerussutisiaqalernissamat aaqqissuussinerit eqqarsaatigalugit - aamma akileraarutigineqarsimanersut nalunaarutigineqartarnissaannut tunngatillugu - kaammattuutigissuarput aaqqissuussisoqassasoq, kommuninit aqukkuminartumik aamma innuttaasunut pisariitsumik atussallugu.

Nasserutigisariaqarpugut aaqqissuunneqartariaqarmat innuttaasut qinigassillugit Nem ID atorniarneraat taamaasillutillu qarasaasiakkut immnikkut ilisarnaasillutik imaluunniit qangatut pappialanngortitsisarneq atorniarneraat. Tassami innuttaasut arlallit sulii internetti atulernikuunngilaat aamma - internetti taama sulii akisutigigallartillugu, tamanna eqqarsaatigisariaqarpugut.



Demokraatinili isumaqarpugut aalajangersakkat ilaat naalakkiutaavallaalaartut, allaffissornertaqarpallaartut aamma aqussallugit pisariuallaalaartut, aamma tusarniaanermut atatillugu akerlorsorneqarnikummata taamaattumik kissaatigaarput illuatungeriit tamarmik itisilerutaasumik oqaloqatigeeqqittariaqartut.

Naalackersuisut kusanartumik oqaloqatigineqartariaqarput aamma inuussutissarsiortut oqaloqatigineqarsinnaasariaqarput kiisalu itisiliinissaq erseqqissaanissarlu pillugit kukkunersiusunik oqaloqateqarnissami naatsorsuutigaarput tamanna pitsaasumik ingerlajumaartoq suleqatiginnikkusussuseqarluni, tamannalu qilanaaraarput.

Taamatut oqaaseqarluta siunnersuut suliareqqitanngorlugu Aningassaqaarnermut Akileraartarnermullu Ataatsimiititaliamut ingerlateqqipparput.